

WEB:

Laboratorio di WEB Aruba un biaha mas certifica ISO9001:2008

**ORANJESTAD –Comuni-
dad por ta sigur cu e awa
produci pa WEB Aruba ta
di calidad halto y segun
normanan internacional.
Esey por conclui for di e
hecho cu un biaha mas
laboratorio di WEB a keda
certifica ISO9001:2008.**

Ta trata aki di un recertifica-
cion pa instancia indepen-
diente KIWA Nederland BV,
despues cu na April ultimo a
audit rigurosamente e siste-
manan pa maneha procesonan di e laboratorio.

Pa por segura awa di bebe di
calidad halto, WEB su pro-
ceso di produccion di awa,
su laboratorio y su proceso di

distribucion ta certifica. Pa
mantene e certificacion aki,
WEB periodicamente ta obli-
ga di raporta na 'International
Organization for Standariza-
tion (ISO)'.

No ta prome biaha cu e labo-
ratorio di WEB a keda acred-
ita. E prome biaha tawata na
año 2012.

Pa por mantene e certifica-
cion, tur año di nobo e labo-
ratorio ta pasa den un con-
trol, mientras cu cada tres año
KIWA ta audit e sistema di
maneho di calidad di e labo-
ratorio den su totalidad.

Hefe di Laboratorio di WEB
Aruba, Sr. Clifford Heyliger
ta splica cu e certificacion di



'International Organization
for Standardization' (ISO) ta
duna WEB e derecho di por
informa su clientenan cu su
laboratorio ta cumpli cu tur
norma y metodonan estableci

pa haci e trabou di control y
analisis di e awa cu WEB ta
produci. 'En corto, ISO ta
yuda certifica e forma di op-
era di laboratorio den e sen-
tido cu e ta garantisa calidad.'

asina Sr. Heyliger ta bisa.
E trabou principal di e labo-
ratorio di WEB, ta pa sostene
procesonan di produccion di
WEB y control di Calidad di
e awa di bebe. E sosten aki
ta consisti di analisis kimico/
fisico y conseho despues di
conoce e resultado di e test-
nan.

Tur e testnan den laborato-
rio di WEB ta basa riba met-
odonan fiho y mester ta sigur
cu e resultadonan ta confia-
bel.

Gerencia di WEB ta orguyoso
di su team di laboratorio y ta
gradici nan pa nan esfuerzo
diario pa mantene e certifica-
cion di ISO9001:2008. □